

痘疹發微卷之二目錄

發熱不拘日期篇一

四時發熱施治不同篇二

天令變態不一施治不同篇三

運氣強弱施治發微篇四

紅白黃黑篇五

發熱預識怪痘不治篇六

五臟發斑吉凶篇七

發熱如見鬼狀辨別吉凶篇八

四時發熱活套施治藥對篇九

發熱似瘧非瘧篇十

發熱諸血辨別篇十一

發熱大便禁固毒難發越篇十二

痘疹發微卷之二目錄終

痘疹發微卷之三目錄

觀痘預識部位稀疎吉凶篇一

發熱見點不快辨別三因施治篇二

發熱點出不快辨別部位施治篇三

發熱見點因喘難出辨別施治篇四

發熱見點搔癢難出篇五

見點手足逆冷難出篇六

見點寒戰咬牙辨別寒熱虛寔施治篇七

首尾汗下不可偏執辨別施治篇八

五臟顯證篇九

見點預識發痰篇十

見標怪症吉凶篇十一

痘疹發微卷之三目錄終

痘疹發微卷之二

彭邑宋 鏞杏庄輯定

西楚范 祥延釗重訂

弟

祐培公

全較

琦又韓

發熱見證

發熱不可拘於日期篇一

古謂發熱三日見標三日起發三日成膿三日結痂三日共有一十五日醫之嘗套然稟受毒輕者常不及期若犯險候三因引動胎毒一途解肌熱反蔓延則發熱亦難以為期也或脾胃虛弱或

形見之而
邪

過於解肌或裏實壅遏俱難以起發者則起發亦難為期也或解肌太過或清涼過度難以致漿者則成膿亦難為期也或表虛潰爛或飲水過傷或大便秘結俱難以結痂則結痂亦難為期也大槩順痘則可拘於常套若犯險症不可以為定也

四時發熱施治不同篇二

凡胎毒發熱四時各有不同治法自然有異夫春季立春至春分六十日蒼天風木主事肝膽風木所屬其病在頭角經曰肝苦急急食辛以散之春用羌活湯若稟受不足法用補肝湯主之則熱解標至也若見點之後遇春深之際肝木太旺肝旺寔脾防其後

患不然遺害脾土、痺塌泄瀉、法宜補脾也。若夏季立夏夏至六十日、赤天火氣主事、君相二火所屬、其病在臟、此時腠理開、踈非清裏則熱不散而毒不出、經曰心苦急急食苦以潤之、夫君火非苓連、滑石香薷之類不解、相火非涼膈玉露不釋、若熱在經者、法用五苓散、若吐不止亦主之、則表解裏和、身涼痘至也。若暑氣為患、身熱濡濡煩渴、引飲熱者清之、宜香薷飲及四苓散、涼膈散、玉露散之類、擇而主之。若稟受不足、多病於暑、不能送毒外出、虛者補之、熱者清之、以清暑益氣湯及十味香薷飲、擇主之。若火太旺、肺金被刑、當救子以復母仇、法補肺金、免致絕水之化源、則痘賴津

液所養夫腎主五液法先救化源若頂平不起責膈中之氣虛以黃芪六一湯合生脉散主之若頂起根脚欠潤責其血虛法用四物湯合生脉散若頂平血散責其氣血兩虛宜十全大補湯重增參芪法合生脉散若煩渴不至柔劑不應責其腎虛故飲水自救法用加減八味丸料主之若秋季立秋秋分六十日素天燥金主事肺與大腸所主其病在背此時腠理閉密毒氣壅於肺絡之間鼻流清涕咳嗽噴嚏其在皮者因而汗之法用參蘓飲主之若小兒白嫩則稟受不足倦怠懶言飲食少思肺氣不足經曰鼻塞不利少氣則不能驅毒外出法當補而逐毒以惺惺散主之若遇秋

深肺金太旺肝木被害間有虛實若犯虛候用辛熱之劑醫者不識監製遺禍於肝肝血枯涸不榮於筋輕則肢廢殘害重則眼目不明若痘克實之際過於補塞致肺金約而大便固邪熱乘於肝膽因而小便淋瀝則大便愈秘熱蒸於目如見鬼狀或熱遺於手則手難以主持故尋衣摸床撮空搗搗責肝膽邪氣所致肝脉弦長克實氣口亦然經曰實者瀉之急下之以存津液法用瀉青丸料合黃連解毒湯主之若脉濇不弦則真死不治夫冬季立冬冬至六十日玄天寒水主事腎與膀胱所主其病在谿及腰骨此時陽氣藏於九泉之下胎毒發熱之際極難發越於外非辛溫不能

達表若顯太陽經候頭痛身疼發熱惡寒其在表者因而汗之以
九味羌活湯更增桂枝麻黃主之若稟受不足肢冷腹痛嘔惡少
食法用生靈五積散若陽明經候身熱頭痛鼻塞清涕宜升麻葛
根湯外增桂枝麻黃主之若遇冬深寒水極旺乘於心火故火虛
土弱致飲食少思痘難成就當壯火助土法用理中湯不然以補
中益氣湯外增茯苓半夏乾姜之類主之若辰未戌丑之月鎖天
土氣主事脾胃所生其病在舌本及肢腹毒壅於經絡之間頭痛
身熱鼻塞清涕法用升麻葛根湯主之若嘔惡少食腹中難近病
得之內傷外感也以藿香正氣散兼送保和丸主之四時用藥因

傷寒
論

天時施治皆大槩言之夫良工須要活潑潑地當隨機而應變也
天令變態不一施治不同篇三

天令不常變態不一或狂風或淫雨或凜受白嫩邪氣乘虛而侵
失此不治引動胎毒風乃百病之長善行而數變身熱汗出者風
也仲景云太陽中風陽浮陰弱陽浮者熱自發陰弱者汗自出
嗇惡寒淅淅惡風翕翕發熱鼻鳴乾嘔者桂枝湯主之若口中不
和法加片芩以主之若風入於裏者毒氣難以發越陷於腸胃之
間邪熱難以殺谷故泄而完谷出也經云久風入中則為腸風飧
泄今毒因飧泄所羈故難以透出法用胃風湯則風毒以釋泄止

痘出矣若淫雨久而不止致濕傷發熱者則身重汗出也夫濕之為病或傷於表或傷於裏傷於表者身熱濡濡頭痛身重難以轉側人迎浮遲而緩浮為表病遲緩為濕其在表者濕非風不乾防風之類是也水非土不止蒼朮之屬是也蒼朮防風雖至肌膚之間非甘草不能助而成功故用蒼朮防風甘草湯主之則濕去身輕毒無壅遏之患而痘亦出矣夫濕傷於裏者因注下不休則毒陷而難越也所以然者濕勝則濡泄治濕不能小便非其治也其在下者因而竭之以胃苓湯主之則濕去利止清氣上騰而痘瘡達表矣

月經通

未言定

何以

此

運氣強弱施治發微篇四

覽古今方書陳文仲先生喜於溫補錢仲陽先生及劉河澗公偏於清涼三公主方如水炭相反細而究之古人立方之意皆因天時制宜運氣強弱之分太過不及之別耳夫五運化氣以天干言之甲巳合而化土乙庚合而化金丙辛合而化水丁壬合而化木戊癸合而化火甲丙戊庚壬乃五陽太過之年乙丁巳辛癸乃五陰不及之歲以地支言之君位之下陰精承之相火之下水氣承之水位之下土氣承之土位之下木氣承之木位之下金氣承之金位之下火氣承之亢則害承乃制也假喻甲巳之年甲爲陽干

太過之歲濕土旺氣當令乘其所不勝者為病所以遺害於腎水則病苦於注下當分利則愈痘瘡因而自出夫巳干之歲乃脾土不及之歲腎水乘而侮之致中州不及或飲食少思或肌肉浮虛寒者熱之當壯火以消陰翳則陰去陽回毒隨陽至矣夫丙辛之歲丙為陽干太過之年寒水旺氣主事則君相二火被其所害若表氣不足所以痘色灰白形不足者溫之以氣則痘起紅活若不分虛寔執死法清解痘反灰白矣當效陳氏方治之也夫辛干之歲寒水不及之年心火乘而侮之多致身熱發渴當助子以復母譬則壯水以制陽光也若丁壬化木之歲壬為陽干太過之年風

木旺氣當令木能生火火反燎原多致脊癰之疾法寔者泄之當效錢氏劉氏之方則火退水至毒卽隨出矣夫丁干之歲陰干不及之年多致血散難附根脚或虛風而騷動古謂治風先養血養血風自滅正此謂也若戊癸之歲戊為陽干太過之年君相旺火主事火乘肺金致痘色紅紫煩渴不休痰喘氣壅若在表者當效河澗若在裏者當遵錢氏蓋寔火者不外二公之主方也夫癸干之歲陰火不及之年痘色必然色淡當養土以助心火未有子富而母貧故宜治子矣若乙庚之歲庚為陽干太過之年燥金旺氣主事致痘瘡頂焦或咳嗽不定或聲濁不清乃肺金亢極為害心

火所乘寔者泄之熱者清之火鬱發之不外此三法也夫乙干之
歲陰金不及之年致頂平而陷當起不起責其不及不及者補之
補之氣旺自充也或曰運氣太過不及天下皆同何以一鄉患一
鄉不患一鄉十死八九一鄉雖患不死所以然者何曰夫運氣有
南北之分惟甲巳二千南方所繫仍八干配合乃北方之所屬也
若北方之地而得南方脉症則天行之痘亦有犯也若南方之處
而得北方脉症則時行之毒亦有異也夫一鄉患痘者疫癘傳染
而然也有一鄉不患痘者或因地方氣盛或由基址旺相所以故
不患痘也蓋一鄉患痘多亡者係少陽相火為病也夫五運之歲